



«04» դեկտեմբերի 2018թ.

ք. Երևան

Հայաստանի Հանրապետության պետական եկամուտների կոմիտեի Արարատյան մաքսատուն-վարչության պետ Զավեն Հակոբյանս, քննելով «ԱԶԹ» ՍՊ ընկերության (<ՎՀՀ 02615724, հասցեն՝ ք.Երևան, Արգիշտի 113) լիազոր անձ Գևորգ Բարսեղյանի (անձնագիր՝ AN0308662, հասցե՝ ք.Երևան, Դավիթաշեն 4-րդ թաղ., 3-րդ շ., բն. 14) կողմից մաքսային կանոնների խախտման վերաբերյալ գործը,

Պ Ա Ր Զ Ե Ց Ի

«ԱԶԹ» ՍՊ ընկերության անվամբ թիվ 05100022/150618/0013717 տարանցման հայտարարագրով Բավրայի մաքսային կետով ՀՀ տարածք է ներմուծվել ընդհանուր 24755.2կգ քաշով բեռ, որը 16.06.2018 թվականին հանձնվել է մաքսային մարմինների ժամանակավոր պահպանությանը, սակայն մինչև ժամանակավոր պահպանության ժամկետի ավարտը բեռի վերաբերյալ մաքսային հայտարարագիրը մաքսային մարմին չի ներկայացվել:

ՀՀ ՊԵԿ Արարատյան մաքսատուն-վարչության բացթողնման թիվ 1 բաժնի գլխավոր մաքսային տեսուչի կողմից 19.10.2018 թվականին «ԱԶԹ» ՍՊ ընկերության լիազոր անձ Գևորգ Բարսեղյանի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 194-րդ հոդվածի հատկանիշներով, որի օրինակն ուղարկվել է նրան:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 194-րդ հոդվածի համաձայն՝ սահմանված ժամկետում մաքսային մարմիններին ապրանքների և տրանսպորտային միջոցների վերաբերյալ մաքսային հայտարարագիր չներկայացնելը, ինչպես նաև մաքսային հսկողություն իրականացնելու համար ապրանքների և տրանսպորտային միջոցների վերաբերյալ անհրաժեշտ փաստաթղթերը չներկայացնելը՝ անկախ գրավոր հայտարարագիր ներկայացնելուց՝ առաջացնում է տուգանքի նշանակում՝ 50,000 դրամի չափով:

Այսպիսով, վարույթի նյութերով հիմնավորվում է, որ «ԱԶԹ» ՍՊ ընկերության լիազոր անձ Գևորգ Բարսեղյանը սահմանված ժամկետում թիվ 05100022/150618/0013717 տարանցման հայտարարագրով Բավրայի մաքսային կետով ՀՀ տարածք ներմուծված բեռի մնացորդ մասի համար մաքսային հայտարարագիր չի

ներկայացրել, որի արդյունքում թույլ է տվել ՀՀ մաքսային օրենսգրքի 194-րդ հոդվածով նախատեսված մաքսային կանոնների խախտում:

Ելնելով վերոգրյալից և ղեկավարվելով ՀՀ մաքսային օրենսգրքի 13-րդ բաժնով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

Ո Ր Ո Շ Ե Ց Ի

1. ՀՀ մաքսային օրենսգրքի 194-րդ հոդվածով նախատեսված մաքսային կանոնների խախտում կատարելու համար «ՍՋԹ» ՍՊ ընկերության լիազոր անձ Գևորգ Բարսեղյանին ենթարկել վարչական պատասխանատվության՝ տուգանելով **50.000** ՀՀ դրամի չափով:
2. Որոշման մասին հայտնել «ՍՋԹ» ՍՊ ընկերության լիազոր անձ Գևորգ Բարսեղյանին՝ պարզաբանելով, որ այն օրենքով սահմանված երկամսյա ժամկետում կարող է բողոքարկվել վերադաս մաքսային մարմին (ք. Երևան, Մ. Խորենացի 3/7) կամ դատարան:

Սույն որոշմամբ նշանակված տուգանքի վճարման հաշվեհամարներն են. **900005024055՝** գումարի 70% և **900013323010՝** գումարի 30% (ՀՀ պետական բյուջե, կենտրոնական գանձապետարան, Արարատյան մաքսատուն-վարչություն, ԿՈՂ 27):

ԱՐԱՐԱՏՅԱՆ ՄԱՔՍԱՏՈՒՆ-
ՎԱՐՉՈՒԹՅԱՆ ՊԵՏ



Զ. ՀԱԿՈԲՅԱՆ